

Յետ այնորիկ սղղ արարին Հայք Դատաւորին 'ի ձեռն Գէորգ Պատուոյ թէ ոչ հաճիմք առաջին խոստմանդ, զի բաց 'ի հրովարտակին և այլոց գրոց, գրեալ են նաեւ Փոնորդն և գլխաւորք ազգին մերոյ. լինել հաւասար բաժանորդ ընդ Յունաց 'ի Բեթղեհէմ եւ յԱստուածածին ըստ մտաց հրովարտակաց, զի այնպէս հրամայեալ է Արքայի շինել փոքու իւրք նուազ 'ի Յունաց 'ի նոյն տեղիս, եւ զընդդիմացողսն փութով ծանուցանել 'ի Կոստանդինուպօլիս: Եւ նա ասէ՝ առաւել քան զխոստացեալն իմ ոչ տամ, և եթէ ստիպեալ անպատճառ պահանջեն, յայնժամ մեկուսացեալ 'ի բաց որոշիմ. եթէ պատահեսցի արգելք ինչ 'ի կողմանէ Յունաց կամ 'ի Կոստակալէն և յայլոց: Սովաւ տայր խմանալ թէ՛ Յոյնք ոչ ունին դադարիլ 'ի յուզելոյ զխառվութիւն. նմին իրի յակամայս լուեցին Հայք, զի մի զայրասցի Նուրի Էֆէնտի և վերստին գրեսցէ 'ի Կոստանդինուպօլիս և գործն երկարեսցի: Ապա զինի աւուրց ազգարար Դատաւորն գլխաւորացն Հայոց, Լատինաց և Յունաց երթալ 'ի Բեթղեհէմ. Լատինք փակեալ 'ի ներքս յահէ ժանտախտի՝ առաքեցին միայն զԹարգմանն իւրեանց. իսկ Յոյնք հրաժարեցան երկիցս և երիցս՝ այլ 'ի պատուիրելոյ և 'ի յորդորելոյ Դատաւորին յանձն առին գնալ, որք էին 1 Եպիսկոպոս, 2 Վարդապետ, գանձապահն Մետրոփանոս և թարգման Սախարեայն: Թէոդորոս Պատրիարք առաքեաց զփոխանորդ Ստեփան Եպիսկոպոս, զՄարկոս Եպիսկոպոս Եւդոկեացի, զնախկին փոխանորդ ձերունի Կիրակոս վարդապետն Մարաշցի, լուսարար Սիմէոն եւ Դիոնէսիոս Վարդապետք, թարգման Աւետիս՝ Պոտուռեան Գէորգ և այլք. գնացին և այլազգիք: Դատաւորն Մուսայ Էֆէնտի Սալիտի, Նուրի Էֆէնտի, Քաղաքապետն Ապտիւլ Բէրիմ, Եէնիչերի Աղասի, Միւֆթի Թահիր Էֆէնտի, Նախիպ Օմար Էֆէնտի և այլք 'ի մեծամեծաց քաղաքին, 'ի Կոստանդինուպօլսոյ, եւ 'ի Դամասկոսէ եկեալ Մուսայի սպասաւորք և զօրք իւրեանց, և ամենքեան իրրեւ անձինք 300: Ի հասանիլ սոցա 'ի Բեթղեհէմ, ընդ առաջ ելին 3 ազգք խնկօք և մամեղինօք, եւ տարեալ բազմեցուցին 'ի մէջ մեծի եկեղեցւոյն: Զինի պատուոյ և մեծարանաց, 'ի բաց եզին զձխափայտսն, և հրամայեցին